

ԱՆԻՆ ԱՐՔՈՒՆԻ ԱԹՈՒԱՆԻՍՏ ԵՎ ՄԱՅՐԱՔԱՂԱՔ

ՌԱՅԱՅԵԼ ՄԱԹԵՎՈՍՅԱՆ

Բագրատունյաց թագավորության սկզբնական շրջանում (IX դ. վերջերից մինչև X դ. կեսերը) պետության վարչական կենտրոնը մի քանի անգամ տեղափոխվել է՝ յուրաքանչյուր նոր թագավորի գահակալությանը հաստատվելով վերջինիս նստավայրում: Առաջին Բագրատունի թագավոր Աշոտ Ա-ի գահանիստը գտնվում էր Բագարանում, որը Հովհաննես Դրասխանակերտցին անվանում է թագավորանիստ ավան¹: Աշոտի ավագ որդու Սմբատի (Սմբատ Ա՝ 890—914) օրոք գահանիստ դարձավ նրա սեփական կալվածք՝ Երազգավորս գյուղաքաղաքը², իսկ Բագարանը բաժին հասավ Սմբատի կրտսեր եղբորը՝ սպարապետ Շապուհին: Այն դարձավ սպարապետի նստավայր Շապուհի և նրա որդի Աշոտի սպարապետության տարիներին³:

Սմբատի մահվանից հետո գահը Երազգավորսի հետ ժառանգեց նրա ավագ որդին՝ Աշոտը (Աշոտ Բ Երկաթը) և այդ պատճառով էլ նրա գահակալության օրոք (914—928) վարչական կենտրոն մնաց Երազգավորսը⁴: Աշոտի կրտսեր եղբայր իշխանաց իշխան Աբասին բաժին հասավ Վանանդ գավառը Կարս բերդով⁵, որը Սմբատ Ա-ի ժամանակ թագավորական ընտանիքի ապաստանավայրն էր: Այնտեղ վտանգի ժամանակ պատապարվում էին արքայի մերձավորները և պահվում էին արքունի գանձերը⁶: Մինչև 928 թ. Կարսը Աբասի նստավայրն էր, իսկ վերջինիս գահակալությանը (928—953) որպես գահանիստ փոխարինեց Երազգավորսին:

Պետության վարչական կենտրոնի այդպիսի հաճախակի փոփոխումները պայմանավորված էին ժամանակին բնորոշ հողատիրության բնույթով, յուրաքանչյուր թագավոր, միաժամանակ լինելով խոշոր հայրենատեր-հողատեր, ուներ իր տիրույթների վարչական կենտրոնը՝ աթոռանիստը: Վերջինս նրա սեփականատերերի թագավորության տարիներին դառնում էր գահանիստ և կատարում մայրաքաղաքի դեր, իսկ նախորդ թագավորի նստավայրը կորցնում էր այդ դերը և մնում որպես տվյալ իշխանության կենտրոն: Այդ

¹ Հովհաննես Կաթողիկոսի Դրասխանակերտեցւոյ Պատմութիւն Հայոց», Թիֆլիս, 1912, էջ 144:

² Հովհաննես Դրասխանակերտցի, էջ 144, 183—184, 197, 207, 218, «Ստեփանոսի Տարօնեցւոյ Ասողկան Պատմութիւն տիեզերական», ՍՊԲ, 1885, էջ 181:

³ Հովհաննես Դրասխանակերտցի, էջ 194, 340:

⁴ Նույն տեղում, էջ 304:

⁵ Գարեգին Ա կաթողիկոս, Յիշատակարանք ձեռագրաց, Անթիլիաս, 1951, էջ 172: Ասողիկ, էջ 172:

⁶ Կարսի բերդը ծառայում էր որպես արքունի կայան: 897 թ. Ատրպատականի Ավշին ամիրայի արշավների ժամանակ այստեղ ապաստանել էին հայոց թագուհին՝ Սմբատ Ա-ի կինը, նրա հարսը և ազատների կանայք (Հովհաննես Դրասխանակերտցի, էջ 178—180):

առումով էլ Բագարանն ու Երազգավորսը, սկզբնական շրջանում նաև Կարսը, դեռ իսկական իմաստով մայրաքաղաքներ չէին, այլ գահակալների գլխավորատնակներ, որոնք գահանիստի դեր էին կատարում:

Սեփականատիրական հողատիրությունը պայմանավորված՝ գահանիստի հաճախակի փոփոխումը խանգարում էր, որ այն դառնա համապետական կենտրոն ու կայուն կապ հաստատվի երկրի տարբեր մասերի և հատկապես ծայրագավառների հետ: Դրա համար էլ Բագրատունյաց թագավորության անհրաժեշտ էր ունենալ մշտական մայրաքաղաք: Սակայն Սմբատ Ա-ի և Աշոտ Բ-ի թագավորության տարիներին հարևան արաբական ամիրայությունների հետ մշտական բախումների հետևանքով այդ խնդիրն անհրաժեշտ էր:

Խաղաղ շրջանն սկսվեց Աբասի օրոք և աստիճանաբար Կարսում կենտրոնացավ մարչական իշխանությունը: Բացի այդ, Աբասին հաջողվեց կաթողիկոսի նստավայրը տեղափոխել Կարս, որտեղ մայր աթոռի համար կառուցվեց կաթողիկե եկեղեցին: Այստեղ որոշ ժամանակ աթոռակալեց Վարազվանքից եկած կաթողիկոս Անանիա Մոկացին⁷: X դ. 40-ական թվականներին Անանիա Մոկացին Կարսը անվանում է թագավորանիստ շահաստան, իսկ Ասողիկը՝ քաղաք⁸: Դա վկայում է, որ այդ տարիներին Կարսն արդեն բերդավանից դարձել էր քաղաք⁹: Միաժամանակ Բագրատունյաց ոստանի կենտրոնը տեղափոխվեց Վանանդ, իսկ Բագարանի ու Երազգավորսի փոխարեն սկսեց բարձրանալ Կարսը: Այն մայրաքաղաք մնաց նաև Աբասի հաջորդ Աշոտ Գ-ի (Ողորմածի՝ 953—977) գահակալության սկզբնական շրջանում: Նրա սեփականությունը հանդիսացող Ալամանն ու գյուղաքաղաք Տեկորը գտնվում էին Շիրակում¹⁰, բայց դրանցից ոչ մեկը չդարձավ թագավորանիստ, քանի որ Աշոտը գահանիստը թողեց Կարսում: Այդ հանգամանքը պատահական չպետք է համարել: Կարծում ենք դրանում դրականորեն էր արթունքի առաջին քայլը՝ մշտական գահանիստ ունենալու ուղղությամբ: Բայց սկսված միջոցառումները խոչընդոտվեցին, շուտով Աշոտն արթունքը փոխադրեց Անի:

Ինչո՞ւ էր պայմանավորված այդ տեղաշարժը:

Խոսելով Աշոտ Ողորմածի Անի տեղափոխվելու մասին, ուսումնասիրողները նշում են միայն կատարված փաստը և չեն բացատրում դրա պատճառները: Միայն լեռն է արժանիքի այդ հարցը. նրա կարծիքով մայրաքաղաքը տեղափոխվեց Անի, որովհետև այն Շիրակի ամենախոշոր կենտրոնն էր և միայն նա կարող էր ճորձ դույն հաղորդել Բագրատունյաց թագավորությանը, որոշ կնիք դրոշմել նրա կերպարանքի վրա: Այդ դերը չկարողացան կատարել ո՛չ Բագարանը, ո՛չ Երազգավորսը, ո՛չ էլ Կարսը... այս քաղաքը (Անին—Ռ. Մ.) պիտի դառնար Բագրատունյաց թագավորության կենտրոնը: Այսպես պահանջում էին նրա թե՛ քաղաքական, թե՛ տնտեսական շահերը: Այդ անհրաժեշտությունը զգացել էին անշուշտ նաև Աշոտի նախորդները,

⁷ Ասողիկ, էջ 172, Մ. Օրմանյան, Ազգապատում, մաս Ա, Կ. Պոլիս, 1912, էջ 1087:

⁸ «Տեառն Անանիայի Հայոց կաթողիկոսի Յաղագս ապստամբութեան տանն Աղուանից» («Արարատ», 1897, մարտ, էջ 133), Ասողիկ, էջ 172:

⁹ Բ. Առաքելյան, Քաղաքները և արհեստները Հայաստանում IX—XIII դդ., հ. 1, Երևան, 1958, էջ 80:

¹⁰ Ն. Սարգիսյան, Տեղագրությունը և Փոքր և ի Մեծ Հայս, Վենետիկ, 1864, էջ 194, 207, Ղ. Ալիշան, Շիրակ, Վենետիկ, 1881, էջ 125, 133:

բայց իրագործելու բախտը վիճակվեց միայն սրան: Խոշոր ձեռնարկությունները նախաձեռնող և վճռականությունը օգտված բնավորություններին են տրված¹¹:

Լեոյի հետ համաձայնվել չենք կարող, քանի որ շնայած Անին քաղաք էր դարձել մինչև մայրաքաղաք դառնալը¹², այնուամենայնիվ այդ ժամանակ Կարսից մեծ շէր: Ուրեմն, տեղափոխման համար կային այլ պատճառներ:

Եթե խոշոր հարցերի լուծումը Լեոն վերագրում է գահակալի նախաձեռնությանն ու վճռականությանը, ապա Աշոտ Գ-ի նախորդները՝ Աշոտ Ա-ն, Սմբատ Ա-ն և Աշոտ Բ-ն, վճռականությամբ չէին զիջում նրան: Բայց նրանք չտեղափոխվեցին Անի, որովհետև դրա անհրաժեշտությունը չկար: Այդպիսին առաջ եկավ միայն X դ. 50—60-ական թվականների սահմանագծին, և դա պատահական չէր: 949 թ. Բյուզանդիան Հայաստանի արևմուտքում արաբներից նվաճել էր մի շարք գավառներ՝ Կարինի շրջանը, Բասենը, Հավնու-նիքը¹³ և այնտեղ տեղեկություններով ռազմավարական միավոր՝ բանակաթեմ, որը հենակետ էր Բագրատունյաց թագավորության դեմ կայսրության ագրեսիվ ունեցողությունների համար: Նորաստեղծ բանակաթեմը սպառնալիք էր ստեղծում նաև իրենից ոչ հեռու գտնվող Կարսի համար: Մեր կարծիքով հենց այդ է ստիպել Աշոտ Ողորմածին՝ իր նստավայրը տեղափոխել երկրի խորքը: Անվտանգ մայրաքաղաք ունենալու անկախությամբ նախ փորձ է արվում Շաղաղայաններից աղատել հինավուրց մայրաքաղաք Դվինը: Քուրդ պատմիչ Մուհաջջիմ-բաշին հաղորդում է, որ 953 թ. Աշոտը մեծ զորք հավաքելով հարձակվել էր Դվինի վրա, որտեղ այդ ժամանակ իշխում էր Մուհամմադ իբն Շաղաղը: Սակայն հարձակումն ապարդյուն էր անցել և քաղաքը գրավել չէր հաջողվել¹⁴:

Իրանից հետո թագավորանիստ է ընտրվում Անին: Մի քանի կարևոր պարագաներ պայմանավորել էին նոր մայրաքաղաքի հարցը լուծել հագուտ այս քաղաքի. այն գտնվում էր հայոց թագավորության համարյա կենտրոնամասում և միաժամանակ Բագրատունյաց ոստանի գլխավոր շրջան հանդիսացող Շիրակում: Բացի այդ, շրջակա ձորերը և Ախուրյան գետը դյուրացնում էին նրա պաշտպանությունը: 961 թ. Անին հռչակվեց մայրաքաղաք¹⁵, իսկ Կարսը բաժին տրվեց Աշոտի եղբայր Մուշեղին¹⁶:

¹¹ Լեո, Հայոց պատմություն, հ. 2, Երևան, 1967, էջ 577, հմմտ. Հ. Հարությունյան, Հայաստան IX—XI դդ., Երևան, 1959, էջ 100:

¹² Բ. Առաքելյան, նշվ. աշխ., հ. 1, էջ 75—76:

¹³ Եկոստանդին Միրանածին, Թագմանություն բնագրից Հրաչ Բարթիկյանի, Երևան, 1970, էջ 16—17, Ասողիկ, էջ 179:

¹⁴ Ա. Տեր-Ղևոնդյան, Մուհաջջիմ-բաշի XI—XII դդ. անանուն աղբյուրը Դվինի և Գանձակի Շաղաղայանների մասին (Երանբեր Մատենադարանի, 1962 (№ 6), էջ 477):

¹⁵ Մատթէոս Ուռհայեցի, Ժամանակագրություն, Վաղարշապատ, 1898, էջ 4: Չնայած պաշտոնական հանդիսությունները տեղի ունեցան 961 թ., անկասկած, քաղաքը վերակառուցելու ուղղությամբ աշխատանքները սկսվել էին տարիներ առաջ: Նախ անհրաժեշտ էր ապահովել նրա պաշտպանությունը՝ պարսպապատել, կառուցել թագավորի ապարանքը, որից հետո արքունիքը կարող էր տեղափոխվել նոր վայր: Քաղաքի կառուցապատումը շարունակվեց Սմբատ Բ-ի օրոք:

¹⁶ Ասողիկը (էջ 180) այդ մասին գրում է. «Եւ զկնի Արասայ թագաւորեաց Աշոտ որդի նորա, որ և ջահանջահ կոչիւր ամս ին: Եւ Մուշեղ եղբայր նորա առ նովաւ թագաւորեաց ի Կարսս: Դրան համահնչուն է XII դ. Անանուն հեղինակի վկայությունը. «...եւ զկնի սորա

Անին հայոց Բագրատունիների արքունիքի վերջին հանգրվանը հանդիսացավ: Բագրատունյաց թագավորության պատմության երկրորդ շրջանը ցույց տվեց, որ Աշոտ Ողորմածին հաջողվեց լուծել պետության կենտրոնացման համար կենսականորեն կարևոր նախապայմաններից մեկը՝ մշտական մայրաքաղաքի ընտրությունը: Աշոտից հետո՝ 977—1045 թթ. Անիում գահակալող Բագրատունի վերջին չորս թագավորներից ոչ մեկն այլևս մայրաքաղաքը չտեղափոխեց նոր վայր, չնայած նրանցից յուրաքանչյուրն ուներ իր իշխանական նստոցը (Սմբատ Բ-ն՝ Երազավորսը, Գագիկ Ա-ն՝ Մրենը կամ Տեկոր ավանը, Հովհաննես-Ամբատը՝ հավանաբար Բագարանը¹⁷, իսկ Գագիկ Բ-ինը մեզ անհայտ է): Բայց գահակալելիս նրանք սեփական աթոռանիստից տեղափոխվում էին Անի: Դա գահաձեռնող կենտրոնի տիրանալու բոլորովին այլ կարգ էր, քան գոյություն ուներ Բագրատունի առաջին թագավորների օրոք: Սմբատ Ա-ն, Աշոտ Բ-ն և Աբասը հայրենատեր ֆեոդալի իրավունքով էին սեփական դոլանները դարձնում աթոռանիստ: Այդ պատճառով Բագարանը և Երազավորսը ժամանակավորապես էին դառնում մայրաքաղաք՝ նրանց սեփականատերերի թագավորելու դեպքում:

Աշոտ Ողորմածը հասավ այն բանին, որ յուրաքանչյուր հայոց թագավոր ներկայացնի ոչ թե իր դինաստիական ճյուղը (Բագարան, Երազավորս, Կարս), այլ Շիրակի Բագրատունիներին ամբողջությամբ: Միայն այդ եղանակով էր հնարավոր հիմնել մշտական մայրաքաղաք մի պետության ներսում, որը խոշոր իշխանական տների միություն էր: Գահակալության նման կարգի միջոցով արքունիքը, առկասկած, նպատակ ուներ ստեղծել մշտական գահաձեռնարկ և համապետական կայուն քաղաքական կենտրոն: Իշխանական աթոռանիստն այդ նպատակին չէր կարող ծառայել, քանի որ երկրի առտեսակա՛ն անջատվածության պայմաններում այն հանդիսանում էր տվյալ իշխանության տնտեսական, քաղաքական և ռազմական կենտրոնը¹⁸:

Բագրատունյաց պետության առաջին մայրաքաղաքները նույնպես իշխանանիստ քաղաքներ էին և այդ պատճառով էլ չկարողացան մշտական պետական կենտրոններ դառնալ: Խնդիրը լուծելու համար արքունիքին անհրաժեշտ էր մայրաքաղաքը դուրս բերել իշխանական աթոռանիստից և այն հաստատել այնպիսի մի հողաբաժնում, որն արքունի սեփականություն էր, պատկանում էր ամբողջ տոհմին և որը տոհմի անունից տնօրինում էր թագավորը: Քաղաքը նման վայրում արդեն ընդհանուր տոհմական ենթակայություն ուներ, իսկ եթե պետական իշխանությունը գտնվում էր տվյալ տոհմի ձեռքում՝ միաժամանակ նաև ընդհանուր պետական ենթակայություն:

Աղբյուրների վկայություններից երևում է, որ Բագրատունիների արքունի հողաբաժինը հիմնականում կենտրոնացված էր Շիրակում¹⁹, չնայած այդ-

(Արասի—Ռ. Մ.) Աշոտ, որդի իւր, ամս իծ և զեղբայր իւր՝ զՄուշեղ Կարուց կացոյց թագաւորս («Մանր ժամանակագրութիւններ», հ. 2, հրատարակեց Վ. Հակոբյանը, Երևան, 1956, էջ 501):

¹⁷ Ա ն ա ն ի ա Մ ո կ ա ջ ի, նշվ. աշխ., էջ 144, ն. Ս ա ր գ ի ս յ ա ն, նշվ. աշխ., էջ 197, 202—203, 206, Ղ. Ա լ ի շ ա ն, Շիրակ, Վենետիկ, 1881, էջ 133—134, 138—139, Н. Э м и н, Армянские надписи в Карее, Ани и окрестностях последнего, М., 1881, стр. 77, 82.

¹⁸ Բ. Ա ռ ա թ ե լ յ ա ն, նշվ. աշխ., հ. 1, էջ 69, 122, հ. 2, էջ 115, 155:

¹⁹ Արքունի հողաբաժինն առանձնահատուկ տեղ էր զբաղում տոհմական ոստանում: Այն օգտագործվում էր ամբողջ դինաստիայի շահերի համար, տրվում էր հավատարիմ վասալ իշ-

սյիսի հողեր կալին նաև այլ երկրամասերում, օրինակ Աղստևի հովտում (Չորոփոր գավառ) և այլ շրջաններում: Շիրակում միակ քաղաքը Անին էր, որը X դ. 50—60-ական թվականներին նույնպես արքունի սեփականություն էր, այլ կերպ Աշոտ Գ-ն այն չէր ընտրի որպես գահանիստ: Աշոտ Գ-ի նախածնունդով արքունիքը տեղափոխվեց Անի և դրանով իսկ լուծվեց մշտական մայրաքաղաքի հարցը: Այդ միջոցառումը սերտորեն կապված էր կենտրոնաձիգ համապետական մյուս վերափոխումների հետ, որոնք նույն Աշոտի օրոք իրականացնում էր Բագրատունյաց արքունիքը: Առաջին հերթին դա վերաբերում է գահակցության ինստիտուտին:

Աշոտ Գ-ն ուներ երեք որդի, որոնցից յուրաքանչյուրն իր զարմերով թագավորական ընտանիքի առանձին շառավիղ էր: Ավագ որդի Սմբատը հոր գահակալության օրոք ճանաչվել էր թագաժառանգ և նշանակվել գահակից: Նա առնվազն 966 թ. մասնակցում էր երկրի կառավարմանը և բացի այդ արքունիքի ներկայացուցիչն էր Տաշիր—Չորագետի թագավորությունում²⁰: Եթե կար գահակից, ուրեմն նախապես հայտնի էր, թե ի դեմս վերջինի ապագայում որ ճյուղն է ժառանգելու գահը և տեղ դառնալու գահանիստ քաղաքին: Հստ այդ կարգի 977 թ. Սմբատը Շիրակավանից եկավ արքունի աթոռանիստ Անի և նստեց «թագաւոր ամենայն տանն Հայոց»-ի գահին, ներկայացնելով Շիրակի ֆեոդալական տունը: Աշոտ Գ-ի այս ձեռնարկության շնորհիվ թագավորական իշխանությունն ամբողջությամբ կենտրոնացավ Շիրակի Բագրատունիների ձեռքում, դարձավ նրանց մենաշնորհը: 961 թ. հետո գահանիստ կենտրոնն այլևս տեղափոխվեց ոչ Կարս և ոչ էլ որևէ այլ վայր: Բագրատունիների մյուս տոհմաճյուղերը չկարողացան խել այդ արտոնությունը Շիրակի տոհմակիցներից, որոնց տարբեր ճյուղերն Անիում հերթով նստում էին գահին: Դրա շնորհիվ Շիրակը դարձավ այն միակ մարզը, ուր կարող էր գտնվել հայոց թագավորի նստավայրը: Շիրակի կենտրոն Անին որպես ընդհանուր պետական ենթակայության քաղաք արդեն համահայկական մայրաքաղաք էր: Այստեղ կենտրոնացան պետական գերագույն իշխանության ապարատը՝ արքունի գործակալությունները, ինչպես նաև թագավորի ապարանքը, կաթողիկոսարանը և այլն: Անանիա Մոկացին կաթողիկոսի նստավայրը տեղափոխեց Անիի մոտակայքում գտնվող Արգինա գյուղաքաղաքը, որտեղ նրա հաջորդ հաջիկ Ա. Արշարունին կառուցեց կաթողիկե եկեղեցի²¹: Սմբատ Բ-ն սկիզբ դրեց նոր կաթողիկեի կառուցմանը Անիում, որը ավարտվեց 1001 թ.: Գագիկ Ա-ի օրոք²² Այսպիսով կաթողիկոսարանը տեղափոխվեց

խաններին, սովորաբար ղինվորական ծառայության կամ գործակալության պաշտոնավարության դիմաց և ըմբոստության կամ անհնազանդության դեպքում կարող էր ետ խլվել: Այնտեղ էին գտնվում ռազմաստրատեգիական նշանակություն ունեցող ամրությունները, արքունի «կայանք» և այլն: Շիրակում Բագրատունիների վասալ իշխաններից Վահրամ Պահլավունուն պատկանում էր Մարմաշենը, իսկ Հովհաննես-Սմբատի հոգաբարձու սյունեցի Վեստ Սարգսին՝ Խժկոնքը և Սուրմալին ճակատք գավառում (Ղ. Ալիշան, նշվ. աշխ., էջ 126, 127, 148, Ն. Սարգսյան, նշվ. աշխ., էջ 209, Ի. Ա. Օրբելի, Надписи Мармашена (Избранные труды, Ереван, 1963, стр. 442)).

²⁰ Մանրամասն տե՛ս «Գահակցության ինստիտուտը Աշոտ Գ-ի օրոք» («Երաբեր», 1977, № 1):

²¹ Ասողիկ, էջ 185, 187:

²² Նույն տեղում, էջ 187, 256:

մայրաքաղաք, որանդ կենարոնացավ թե՛ աշխարհիկ և թե՛ հոգևոր գերագույն իշխանությունը:

Շարագրած նյութից հնարավոր է եզրակացնել, որ Աշոտ Ա-ի զահակալության ամրապնդման (885—890) մինչև 961 թ. թագավորական իշխանությունը Հայաստանում Շիրակի ֆեոդալական ասան ներսում անցնում էր ճյուղից ճյուղ: Աշոտ Ա-ից սկսած հերթականությամբ իշխեցին Բագրատունիների Բագարանի, Նրազավորսի և Կարսի ճյուղերը: Ինչպես տեսանք, Աբասի օրոք (928—953) Բագրատունյաց ոսանի կենարոնը անգամափոխվեց «անապատ»-Արշարունիք, ըստ 961 թ. նորից վերագրված Շիրակ: Անին մայրաքաղաք դառնալով՝ թագավորական իշխանությունը ոչ թե անցավ Բագրատունիների Անիի ճյուղին (այդպիսի ճյուղ ընդհանրապես չառաջացավ), այլ այդ քաղաքը դարձավ Հայոց թագավորի և միաժամանակ Բագրատունի ազգապետի տոհմական զահանգստ կենարոն և մնաց այդպիսին մինչև 1045 թ. Բյուզանդիայի կողմից նվաճվելը:

Մշակական մայրաքաղաքի հիմնումը Աշոտ Դ-ի բոլոր վերափոխումներից թերևս ամենազգեսական էր: Այն անբաժանելի էր մյուս միջոցառումներից, որոնք կոչված էին ուժեղացնելու կենարոնական իշխանությունը և համախմբելու ամբողջ պետությունը Բագրատունյաց զահանգի շուրջը՝ զահակցություն, կաթողիկոսարանի մշտական աթոռակալումը Անիում, երկրի ծայրամասերի և պետության կենտրոնի նպաստի ամրապնդումը՝ վասալիանտի միջոցով տեղական ֆեոդալներին ենթարկելով Հայոց թագավորին և այլն: Նրանց հետ միասին մշակական մայրաքաղաքի հարցը մի ամբողջություն է կազմում և ցույց առնում, որ Աշոտ Դ-ի գերը Բագրատունյաց Հայաստանի պատմության համար շատ ավելի մեծ էր, քան սոսկ «Ողորմած» լինելը: 961 թ. սկսվեց Բագրատունյաց թագավորության պատմության մի նոր ժամանակահատված, որի լեռնի արաահայտությամբ կարելի է անվանել «Անիական շրջան»:

АНИ — ПРЕСТОЛЬНЫЙ ГРАД И СТОЛИЦА

РАФАЕЛ МАТЕВОСЯН

Резюме

В первый период существования Багратидского царства (конец IX—первая половина X вв.) резиденция армянских царей несколько раз менялась. Столицами поочередно были Багаран, Еразгаворс и Карс.

Однако интересы дальнейшего укрепления государства требовали создания постоянного политического центра. С этой целью в 961 г. Ашот III Милостивый (953—977) после перехода в Ани превратил его в фамильный (общегосударственный) престольный град, общеродовую собственность Ширакских Багратидов. Благодаря этому Ани стал постоянной, общеармянской столицей, где до 1045 г. резидировали цари Армении, представители различных ветвей Ширакского феодального дома.